

De paupertate fo: xlviij:

reputant rem minimam et vilem. qz in celo vt dictum est habet sedē et mansionē suam. Nam dicit apostol⁹ in persona eorum. **N**ostra cōuersatio in cellis est. **A**d philippenses. iij.

Item nota qz pauper habet tria bona. scz.

Vitam securissimam.

Mentem quietissimam.

Vestem nobilissimam

Primo igit̃ pauperes sunt in vita securissima. scz curi: qz p̃ paupertatē non mouent lites / non timentur fures / nō formidātur rerum tempestates. sed diuites huius mūdi sustinent omnes istas tribulationes. **E**st in figura huius caym qui interpretatur possessio: habebat caput tremulum. et significat diuitum curam et sollicitudinem auarorum.

Secundo pauperes mente sunt quieti / et a spinis diuitiarum minime lacerati / et ab earum pondere liberati / et ab earum iniquatione mūdi. **N**ā diuities faciunt ista tria mala. **B**ona siquidem temporalia possessa: onerant / amata inquinant / amissa: cruciant. vt dicit **Bernardus**. **U**nde in figura spiritualis quietis quam habent pauperes / et anxietates que comunicant diuitias: israel a deo accepit sabbatū. i. quietē. et egyptii anxietates et curas. vt dicit greg. **P**ropter hoc dicit ad hebr. iij. **R**elinquitur sabbatismus populo dei.

Tercio sunt pauperes veste decozi. id est honestate conspicui. ideo sapiēs iungit ista duo. **E**cclēstici. xi. **P**aupertas (inquit) honestas a deo sūt. qz in semitis pauperum relucet spiritualiter christi signum. **D**e quo dicitur **Luce. ii.** **E**t in signum: cui contradicetur. **E**t nota qz triplex fuit signum christi cui contradicetur a diuersis amatoribus mundi.

